

DEO BENEDICENTE!  
DISSERTATIO INAUGVRALIS MEDICA  
ÆGRVM EXHIBENS

# COLICA SATVRNI- NA LABORANTEM,

RECTORE MAGNIFICENTISSIMO,  
SERENISSIMO PRINCIPE AC DOMINO,  
DOMINO

## GVILIELMO HENRICO.

DVCE SAXONIAE, IVLIACI, CLIVIAE, MONTIVM,  
ANGARIAE ET WESTPHALIAE, & reliqua,

SVB MODERAMINE

## GEORGII WOLFFGANGI WEDELII,

HEREDITARII in Schwarza/

MEDICINÆ DOCTORIS, COMITIS PALATINI CÆSAREI,  
SERENISSIMORVM SAXONIAE DVCVM CONSILIARII  
ET ARCHIATRI,

THEORETICES PROFESSORIS PVBLICI ORDINARII,

*Patroni, Præceptoris ac Promotoris sui, summo observantia cultu  
etatem prosequendi,*

## PRO GRADV

SVMMOS IN ARTE MEDICA AC PRIVILEGIA DOCTORALIA,  
MORE MAIORVM, RITE CAPESSENDI

*Publicæ eruditorum disquisitioni*

submissa

ab A. & R.

## PHILIPPO WERNERO STOCKHAVSEN,

GOSLARIENSI SAXONE.

*Ad diem XII. Nouemb. M DCC XII.*

IN AVDITORIO MAIORI.

Horis ante & post meridiem consuetis.

---

LENÆ, Literis KREBSIANIS.









I. N. I.

## PRÆFAMEN.



Lantas quasdam dari, quæ radicem  
fortiuntur amaram, quarum fructus  
dulces existunt, egregia Philopho-  
rum botanicorum Principis est sen-  
tentia *l. 1. Histor. Plant. c. 11.*

Quod in vegetabilibus per naturam euenit, idem  
& moraliter verum est, non tantummodo de labo-  
ribus omnibus, neque de illos obeuntibus, verum  
etiam de durioribus, & qui exiguum vel nullum sibi  
inde foenerant fructum, sed aliis potius lucrantur.

Inter illos grauissimi in vita humana sine dubio  
sunt, quos in humida & sicca via sustinent, vt onus sum-  
mum, operarii, remiges in mari, & metallici in ter-  
ra dies noctesque insudantes operis suis.

Ne de illis dicamus, & hi quidem distincti sunt:  
obseruatum enim dudum est, non idem esse, in me-  
tallum damnari, & in opus metalli; vtrique tamen  
experiuntur suos manes, etiam, qui sponte sua huic  
se deuouent, mitius habere visi.



Non possumus, quin insignissimum locum, saltem verbo, laudemus, *Diodori Siculi l. 3. rer. antiquar. c. 2. p. m. 73.* quod totum agit de hac hominum calamitate summa, in auro effodiendo ac depurando, ut nihil illa sit grauius, hoc nihil gratius & amoenius.

Allubescit, in Dissertationis Inauguralis vicem, seligere metallurgi ægrotantis certum exemplum, morbi omnino grauissimi, quandoque etiam plane funesti. Hoc ut gratiose secundet diuinum numen, deuote apprecamur!

### *Historia.*

**V**Ir quidam, qui inde statim a puero rei metallicæ fuerat mancipatus, annos circiter natus quatuor & triginta, cibus, ut id genus hominum assolet, durioribus per vitam sustentatus, ex metallurgia sua noxios, eosque varios, morborum insultus atque cruciatus sibi contraxerat, quibus tamen, Deo auxiliante, die XXVI. Sept. anni proxime elapsi prorsus liberatus est.

Hic metallurgus aliquando circa vesperam, eorum vehementer flante, atque aera maxime turbante, ex officina metallurgica, quæ ad fluuium Ockeram sita est, vix domum redux factus, statim cœpit post cibum sumtum de grauitate in regione ventriculi



culi exorta & anxietate conqueri, quam dolores acutissimi in scrobiculo cordis, & circa vmbilicum, flatusque comitabantur, aluo per multos dies clausa. Non multo post totum intumebat abdomen tympani instar, nullo subsequente somno, nullaue facta dolorum remissione.

Die vero tertio ingrauescebant symptomata iam dicta, accedebat cephalalgia, formicationes artuum, ita quidem, ut dolor hic acutissimus hominem in lecto detineri non sineret. Nam modo in hypocausti pavimento, modo sub fornace, perque alia loca angustissima, huc illuc miserum in modum sese voluens, nihil quietis inde aut leuaminis accipiebat. Quarto die iungebatur tussis, sitis, vomitus, adeo, vt neque solida neque liquida retinere posset alimenta.

Vrina nulla mittebatur, conspiciebantur pedum manuumque conuulsiones insignes tonicæ; vmbilicus iam prominebat, iam introrsum, ac si nullus vnquam adfuisset, contrahebatur. Hæc sequebantur insultus epileptici, aluo adhuc pertinaciter clausa. Quo fiebat, vt vires sensibilibiter deficerent, ac nemo non iudicaret, maximum vitæ periculum adesse. Inter hæc vxor metallurgi, tam misere laborantis, nec lacrymis nec voci parcens, auxilium medicum indefinenter implorabat.



## Resolutio.

**N**on incongruum fuerit, historiæ ipsi affecti ægri, in exemplum aliorum propositi, relationem præmittere aeris & loci, in quo degit, naturæ, quo cognito facilior & melior conceptus de morbo formari poterit. Sane & aer mutat loca, & loca aerem, tam immanente vitio, quam transeunte. Vel solæ ventorum mutationes in praxi medica magnum pondus habent, ad inferendos morbos & auferendos. Vnde recte *diuinus senex l. de flatibus c. 4. t. 9.* aer, *inquit*, maximus est, in omnibus quæ corpori accidunt, & autor & dominus. Quare operæ pretium est, eius potentiam diligentius perspicere.

Non fusius hic repetemus, qui sparsim, experientia nautarum & mercaturæ operantium, in locis maritimis, ab aeris & ventorum commutatione consurgant & notati sint in corpore humano effectus. Quod si vero in mediterraneis locis idem sectemur, non minus id occurrit, & imprimis nemo magis doctrinam hancce, admodum iucundam, cognitam perspectamque habet ac habere debet, quam medicus, qui in Hercynia nostra inferiori metallurgis & consilio & auxilio adest, & adesse studet. Ex aeris enim & ventorum aduersa mutatione suborta metallurgi in morbum incidunt, ita quidem, ut quotiescunque id accidit, ut aer & venti turbulentius commoueantur, inde statim & facile intelligi possit, metallurgis minus fauste accidere, id quod ita euenire ex singulari officinarum metallurgicarum situ existimauerimus.

Res autem ut plenius & melius ob oculos ponatur, præmonendum est, officinas metallurgicas in Hercynia nostra  
infe-



inferiori inpræsentiarum tres numero esse extructas, quarum una non procul a vico Langesheimensi posita: altera non longe abest a pago Astfeldensi; & tertia iuxta Ockeram amnem, vitro splendidior ac amœnissimum, natalem locum inuenit, in quibus certe officinis solers rerum naturalium indagator non sine gaudio subterranea satis curiosa, arte ac studio magno in apricum producta, contemplari potis est. Mineræ enim illis in locis fornacum complurium ope & structura multa cum diligentia apparantur, vt nitidissima metalla, v. gr. plumbum, cuprum, argentum, sulphur &c. in lucem hominumque vtilitatem edantur.

Extra hæc officinas, quem locum vulgo vocant *den Hütten-Hoff* / quamplurimi apparent monticuli ex mineris & ligno artificiose constructi, quos vocant vernacula lingua Germanice *die Rosthauffen* / vbi ignis beneficio sulphur copiosissimum, quod visu mirabile, exstillat, inde & stillatitium dictum, & in superiori centro quasi seorsim hauritur. Ast fornaces & monticuli, quos diximus, nunquam non fumum emittunt abundantem, ita, vt si aer crassus & tumidus fuerit, fumus ille sæpius urbem antiquam & Imperialem Goslariam pene ad lapidem pertingat, quin plane quasi obruat. Quod si vero exitus liberior exhalationibus iam recensitis obtingit, vt in auras sine impedimento abire possint, satis belle se habere solent metallurgi, quibus contra ea male est, si venti aduersi, aerque disturbatur.

Inprimis autem Euro flante periculum metallurgis ipsorumque valetudini imminet, teste experientia, optima rerum omnium magistra. Orta enim Euri hac mutatione, qui ventus maxime officinam, quæ ad Ockeram sita est, ex planitie terrarum prodiens, spirando transit, & facta quasi repercussione ad propinquos montes Harzycos repellitur,  
ex-



exhalationes illas ex mineris profluentes ita deprimit, ut officina tota inde obscuretur, in qua metallurgi operi suo gnaviter incumbunt.

Hac de re suo iam seculo Beatæ memoriæ Aulus noster *Samuel Stockhausen*, Med. D. & Physicus Reipublicæ Goslariensis meritissimus, qui & metallurgiæ operariis ex singulari superiorum Clementia præpositus fuerat, tractatum edidit vere aureum *de Lithargyrii fumo noxio morbifico* &c. Germanice *von der Hütten-Rauche*/ quem erudito orbi reliquit. In eo libello, omni laude dignissimo, inter alia p. 14. ita dicit: Fumus iste non omni tempore æque frequenter, sed Euro potissimum flante, & sole radiante, fumum scilicet supprimentibus & includentibus, in officinis operarios infestare solet. Hactenus ille.

Et hoc quidem vero verius est, siquidem tam copiosus interdum in hisce officinis colligitur fumus, ut vix hominem illic locorum oculis videas. Quamprimum autem id ita accidit, non multo post metallurgorum coniuges ad medicum, quem serenissima & potentissima Domus Brunsvico-Luneburgensis, ut & chirurgum, ex singulari Clementia constituit, ut ægrotantibus metallurgis in auxilium veniat, satis anxie confugiunt, in hæc verba erumpentes: *Min Mann het bie den lesten Winne sau vel Rook inneschloffen / hei het kein open Loeff un stait ohne sau vor der Rost un Harten.*

Præmissis hisce, si historiam ipsam aggrediamur propositam, Affectus, quo æger laborat, est COLICA SATVRNINA. Liceat nobis ita vocare, non recepto adhuc nomine, nostra vero opinione ita vnicè dici merito. Enimvero ut primum omnium in praxi clinica postulatum est Hippocraticum: quid patiatur; ita si scapham scapham, ouum ouum



ouum dicere velimus, vix melius nomen effingere queas.

Enimuero non nouum est, antea innominata, vel minus cognita & recepta, aut etiam melioris notitiæ ergo nomine apto mactare, quæ occurrunt, in libera quoad hoc re publica medica. Sic, vt in exemplo saltim maneamus, quid obstat, dum *colicam nephriticam*, vel etiam *colicam scorbuticam*, & scorsim *flatuosam*, ac *biliosam*, recentioribus seculis nominarunt optimo iure medici, quo minus etiam saturninam eandem vocare licuerit? Saturninam scilicet, itidem non ratione subiectorum, sed causæ, itidem hic paulo latius patentis. Adde, quod hoc nomen, licet nouum visum causæ humidæ & siccæ, seu humorosæ & vaporosæ, sit adæquatum & conueniens.

Ipsam sane *colicæ* nomen, *Hippocratis* æuo inauditum, a Tiberii tempore in vsum tractum, cum communi prius ilei nomine veniret, dolorificam notat distensionem abdominis, seu coli, quod, tanquam genus, differentiam specificam sortitur a causa, qua a reliquis discriminatur facile, Saturno nempe, acceptione chimica, quod dicere progredimur.

Adesse hanc in ægro nostro deprehendimus ab ESSENTIALITER INHÆRENTIBVS duobus solennibus, dolore ventris infimi, & constipatione alui contumaci, & sæpe fere inexpugnabili. Demonstrant idem POSTESSENTIALITER CONSEQUENTIA alia, recensita in historia, & explicanda vltius in ratione symptomatum phænomena. Præcipue vero euincunt idem CAUSÆ specificæ, saturninæ illæ propaginis antegressæ; & si comparentur inter se inuicem alii eiusdem opificii, eodem morbo affecti, maxime SIMILITUDO, cum similium eadem sit ratio, vt subiectorum, ita & prædicatorum.



SVBIECTVM PRINCIPALE laudari potest vniuersa via regia totius corporis, intestinorum puta, quoad regionem quidem maxime capacem, intestinum colum, cellulosum & vtrinque in abdominis *εὐρυχωρία* stabulans. Per mechanicam enim notum est, quo amplius spatium viarum publicarum intercapedinis occupatur, eo diffundi remoras magis, & tamen respectiue tolerabiles has esse, quam si in angiportu aliquo fiat præclusio. Omnia vero intestina, seu reuera, seu doctrinæ & vsus specialis gratia, in sex classes dirempta, communi vsui vacant gemino, sensus, h. l. tactus, & motus, prouolutioni contentorum, qui vtrique hoc casu afficiuntur & laborant. SVBIECTVM ADÆQVATVM sunt reliqua viscera & partes non vnæ, quæ inde suos patiuntur manes, per consensum, caput, thorax, pulmo, & neruosum præcipue genus vniuersum.

Hæc vt ex artis receptis terminis explicemus, CAVSA PROXIMA & IMMEDIATA merito statui potest, communis videlicet omni tristi sensationi, solutio continui, eaque in fieri, in vellicatione & irritatione fibrarum neruearum radicata.

CAVSÆ MEDIATÆ PROXIMIORIS loco nominanda nobis optime videtur ætheris præclusa libertas. Vti enim in tota machina corporis, (vt illud huc applicemus) Iouis seu ætheris omnia plena sunt, seu ætheris vitalis & animalis impensi; ita hæc libertas definita specialis impedita commode hic concipi potest.

Est illa & occurrit in corporis nostri machina, quoad nostrum censum, duplex, externa, & interna; illa suffocatiua, qualis in cellis subterraneis, a vapore musti, vel cereuisiæ quoque, tempore æstiuo fermentantis, accidit & obseruata fuit, vel intentata saltim; hæc obstruens, saltim generalius, vel



vel in totum, vel in tantum. Illud occurrit metallurgis magis in fodinis metallicis occupatis, speciatim metallicidis dictis, a vapore mercuriali arsenicali, qualis fuerit apoplexia vel syncope, præclusis vitalibus viis; hoc extra illas in solo constitutis, de quibus hic agimus potissimum.

Hoc vt pressius dicamus, omni iure laudari meretur alui, & consequenter vltior quoque in tota œconomia corporis, quoad vias, ductus & humores mobiles, constipatio, & remora, vnde sane, tanquam ex foco, cetera cuncta in historia præcedenti allata promanant.

Accusantur non iniuria hoc loco copiosissimæ saturninæ exhalationes, fumo saturnino austero-mercuriali debita. Constat enim inter omnes medicos & physicos satis, non solum ineuitabilem & perpetuum aeris esse occursum, illapsum, pressionem & reciprocationem, sed etiam aerem omnibus rebus, quæ intrant corpus nostrum, sociari & commisceri. Iam vero si metallurgis, assiduo labori in officinis intentis, ventus aduersus, qui aerem condensat, & saturninas imprimis atomos, moleculas, exhalationes libere exire non patitur, sed potius comprimit, suboritur, saturninus ille fumus mira dulcedine præditus, qui gustum pariter atque olfactum mellis quasi dulcedine afficit, copiosissimus colligitur, ac vis vnita etiam sic fortior est dispersa.

Tunc exhalationes & moleculæ saturninæ, quæ per inspirationem & expirationem non modo pulmones afficiunt, vt & hi inde suos patiantur manes; verum quoque in ore nunquam non miscentur, aerisque vehiculo in ventriculum, & intestina, quæ in statu naturali tubulis & villis productis, patulis apertis, filtri instar chylum absorbent, deglutiuntur. Ibi vero pedem figunt, particulis suis austeris, ponderosis, constringentibus delicatis ductibus,



bus, vasis & glandulis affiguntur, ibique firmiter sese innuant, & membranas, ductusque lymphaticos, immane quantum constringendo, stipant, & plane obstruunt, ipsamque lympham in qualitate consistentia & motu alterant, quæ labes in vniuersum corpus diffunditur.

Et quoniam metallurgi interdum per aliquot hebdomadas, quamdiu aer ventusque ipsis inimicus fuerit, eiusmodi fumo noxio crassoque circumdantur, aliter fieri non potest, quin contumax inde alui obstructio oboriatur. Præ reliquis vero, qui plumbum plumbique scorias tractant & excoquunt, ita affici & tentari cognoscimus, quod quidem satis dilucide pluribus laudatus Aulus noster, in tractatu iam supra recensito, de lithargyrii fumo noxio, demonstrauit.

Testantur hinc etiam vno ore omnes medici, eorumque doctissimæ observationes hac de re in lucem editæ, saturnum maxima cum cautela & minima in dosi interne adhibendum esse. Scorsim *Borellus*, vt alios omittamus, *l. 4. Observat. 32.* ita inquit: Amicum habui, qui sacchari saturni nimiam hauserat quantitatem, inde tanquam paralyticus & fere mortuus factus est, tandemque conclamaretur; Rigebant membra eius, & tanquam congelatus & apoplecticus erat, curatus tamen.

Tam contumax sæpenumero hisce hominibus alui occlusio est, vt plus quam viginti clysmatum vsu, medicamentis aperientibus internis & balneis ipsis non intermissis, quod non semel obseruauimus, vix vita sæpe seruari possit. Simile exemplum mense præterlapso habuimus in metallurgo *Curd Pabl* dicto, qui quidem aluo per viginti dies contumacissime clausa, & tandem maximo cum studio, imo periculo, aperta, per sex dies integros excrementa nigerrima,  
picis



pice instar naualis, vna cum materia viscida circumducta, caprarum pilis similia exoneravit. Et hic tamen, per Dei gratiam, aura adhuc vitali fruitur saluus & incolumis.

Vel tacentibus nobis hinc emicat, CAUSÆ MEDIATÆ REMOTIORIS locum obtinere aerem ipsum turbatum & crassiozem, quatenus & ipse corpus lādere solet, nedum vehiculum constituens miasmatum laudatorum, qui vel solus, reliquis non tactis, nobis sufficere potest; neque enim in illis luxuriari opus est, cum non tam intrinseco humorum vitio, quam externo hoc morbus enascatur.

Suffecerit, saltem illud addere, in dispositis & debilibus corporibus id magis accidere, pro qua constitutione viscerum & massæ sanguineæ variat & PROGNOISIS, & ipsius curationis ratio. Quantum vero a ventis aer immutetur, in nostris quoque culinis experimur, toto die, quando deprimatur enim aer in fumariis, nec liberum sortitur exitum, non solum culina, sed tota sæpe domus reliqua fumo repletur & densatur.

Accedit VITÆ GENVS, quod etiam subiectum principale & adæquatum, generale & speciale illustrat. Enimvero metallurgi magis sunt obnoxii partim morbis pulmonum, quos primi generis quasi nominare possumus, quale est asthma montanum, phthisis, peripneumonia &c. partim ventriculi & infimi ventris, quibus tertium quasi addere licet, pro tractandi metalla diuersa ratione. Quamuis enim singuli suos patiantur manes, habent tamen, præter communia quædam, vt in primis nervosum genus illuc referre optimo iure licet, etiam específicas passionēs, seu symptomata & sic signa specialia, quæ merito nos minus, nisi obiter, attingemus, utpote præsentī agro saltem præcipue accommo-



Operæ pretium videtur, ipsum euoluere *Hippocratem*, & ex eo recensere historiam, in exemplum dictorum. Ita enim *l. 4. Epidem. c. 14. t. 15*: Vir, ait, metallicus hypochondrium dextrum intentum, splen magnus, & alius intenta, anhelosus, decolor. Hinc ad genu sinistrum conuersio: per totum iudicatus est.

Pertinent huc etiam seorsim, qui circa plumbum fundendum & tractandum occupantur artifices alii. Sic fusores typorum, quibus libri imprimuntur, nouimus stupore manuum & contractura, spasmis, paralyfi, vomitibus, aliisque affligi, ob hanc ipsam causam. Idem experiuntur, qui stannum tractant, *Zinngießer* / siquidem ut cuprum argento & auro, ita stannum cum plumbo, pro seculi more, commisceri solent. De noxa & symptomatibus, quæ stannarius a vapore plumbi passus sit, vid. *Ephem. German. Dec. I. Ann. III. obs. 131.*

Idem etiam de *figulis* verum est, qui lithargyrio ad vitrificandas ollas, aliaque figulina terrea vasa, vtuntur. Vid. *Eph. Germ. Dec. III. Ann. IV. p. 79.*

Confirmant speciatim admodum, qui fraudulentè lithargyrii mangonio vino gratiam conciliarunt, caupones, vnde plures perquam male mactati fuerunt, qui & diris symptomatibus & morte ipsa luerunt, quod nostra memoria in Sueuia factum est, & capitali pœna dignum iudicatum. De hoc ipso lectu dignissimæ sunt consignatæ Observationes *Ephem. Germanor. Dec. III. Anno IV. obs. 30. 92. & 100.* & fusissime a *Salom. Reifelio Ann. l. c. V. & VI. obs. 261. p. 601.*

Hæc omnia & alia satis probant, causam allatam produxisse symptomata recensita, vti locis citatis etiam alia plura adducta & notata legi possunt. Indeque efficitur, & via humida, & via sicca per vapores & exhalationes hæc euenire plane conformia.



Agmen claudat *Anazarbeus*, qui l. 6. c. 27. inter symptomata lithargyrium haustum consequentia memorat stomachi, ventris & intestinorum grauitatem, cum magnis torminibus distendentibus, vrinæ retentionem, tumorem ventris & plumbeam deformitatem. Ipsa vero metalla nihil aliud esse, quam mercurium diuersimode coagulatum, seu fixum, applausu digna est hypothesis. Vid. *Suchten. Tr. 2. de Antimon. p. 302.*

Vt itaque hæc concludamus, concurrunt in lithargyrio, eiusque hinc validissimo igne prolectis & resolutis particulis, stypticitas eximia, austero, seu acido terreo, concreto debita; vapor mercurialis volatilis inibi latens, cum sulphure terreo complicatis vtrisque. Patet illa volatilitas mercurialis, aliis omnibus metallis contra in furnis docimasticis, minima quantitate, quando ad aurum & argentum refinandum, quod vocant, adhibitum plumbum, drachma vna centenarii nomine veniente, plane aufugit & dispellitur in auras. Hic vero grossiori & largiori mole, vbi repurgatur argentum, veluti eius, vel cupri quoque, spuma, in metallorum fornacibus confurgit.

Si comparare licet metallica hæc cum vegetabilibus, vt ex lignis accensione continuata fumus, & fuligo conflatur, vbi acidum, vrinosum, sulphureum, cum terreis & aqueis, partim in auras abit, partim sublimatione facta in fornacibus adhæret, ita & hic in fundo aræ fornacis lithargyrium relinquitur, & coactum in vsum cedit, in sublime vero abripiuntur particule reliquæ laudatæ, vi ignis propulsæ & cum aere, vt diximus, quem condensant vna, tanto magis afficiunt corpora metallurgorum, quanto minus diffilantur & disperguntur. Inde vero effectus laudati in via sicca se exerunt in corporibus, quorum spiracula subeunt, replent, afficiunt



ciunt, alterant, quasi nouo hospitio susceptis profugis & exulibus.

Quod vero attinet symptomatum enumeratorum rationem, quæ diagnosticorum simul obtinere censum, essentialiter inhærentibus, consequentibus, causis & analogismo peritorum, hæc iam pensanda se offerunt.

*Lassitudo & grauitas ventriculi*, post cibum sumtum, a visciditate & acido pontico copioso hic loci originem habent. Obstructione enim posita, vel in neruum erumpere occipiente, viscida materia ventriculi tunica rugosa obducitur, vnde *ἀέρωσις* chyli, vt debet, non procedit, qui postmodum non satis digestus & elaboratus, debitoque tempore non expulsus, vasa lactea ob aciditatem & visciditatem penetrare haud valet, vnde lassitudo & grauitas facillime suboritur. Adeoque, quod *Cous* notauit: lassitudines spontaneas, morbos denunciare, imo & comitari 2. *apbor. 5.* idem & hoc casu verum est.

*Dolores circa scrobiculum cordis* ab acrimonia acidabiliosa, ad sinistram ventriculi summe nerueam partem delata, deducendi, vnde facillime eiusmodi vellicatio & tristis sensatio oboriri potest. Quod certe cardialgia seorsim laborantes explicare solent & possunt.

Sicuti vero colica & cardialgia alias symbolici ac affines sunt affectus, ita & coniunguntur non raro, ex communi causa; ventriculus enim & intestina non solum sunt causæ sociæ, sed & hæc illius continuata propago, vt & circa initium, & circa progressum, inprimis centraliter circa umbilicum, se exerant & accendantur *dolorum colicorum* faces, a quorum potiori ratione etiam merito fit denominatio.

*Flatus* a calore ventriculi debili, qui h. l. debita chylicatione læsa visitur, originem habent. Glandulæ enim



nim interna obstructa humidum laudabile minus suppediant, hinc nec motus peristalticus debito modo procedere potest. Posita enim cruditate & acido, illico sese exerunt borborygmi, quod &, leuissimo errore in diata commissio, vel sanissimi etiam homines experiuntur, si in assumptione nimis crudorum tantummodo peccauerint.

Hic vero in tanta turbatione ac constipatione & bilis restagnans, & succus pancreaticus remorans, aliam induunt qualitatem, elasticitatem, acrimoniam, fermentationem, adeoque tensionem & irritationem tantum non spasmodicam, a rarefactione vitiosa singulorum, producant.

*Tumor abdominis* a flatuum distensione, & renitentia, qui porta clausa, debito loco & stato tempore, non expelluntur, prouenit. Vnde necessario expansio, distensio, & eleuatio abdominis efficitur, accedente continua respiratione ac diaphragmatis motu.

*Somni defectus* in tanta symptomatum coaceruatione non potest non adesse. Cruditas enim acida viscida, grauitate & vellicatione sua, dum tensione fibras extendit, & dilatat, flatus tristem hunc sensum cum cerebro communicant, & perpetuo suo motu somni accessum non permittunt. Exemplum huius rei præbent infantes, qui torminibus tantum vexati, summa cum inquietudine satis anxie vigilant.

*Cephalalgia*, obstructione posita, facili negotio sese immiscet. Clausa enim aluo, aciditas humorum augetur, hinc salia acida & acria cum sanguine & lymphâ miscentur, qui, per vasa maiora vi & pressione sanguinis absque dolore mouentur. Si vero per minutissima vasa h. l. cerebri transire debent, facili negotio stagnant, distensione & vellicatione sua acutissimum & hunc dolorem excitant, donec pressione adaucta & continuata debitus exitus pareatur, siue id ex vi-



tio ventriculi & primarum viarum, aut alui obstructione, siue idiopathice ex capite, siue ex alia parte producat, quæ omnia monumenta varia insignium practicum edocent. Vid. *Doleus encycl. med. dogm. Cap. de Cephalalgia.*

Capitis quoque dolor *periodicus* frequens esse consuevit, qui obstructionibus laborant, itemque qui ventriculo debili sunt. In multis vna vel altera hora post cibum assumptum solummodo obseruatur, qui postea remittit, altero tamen die recurrit, quique vnica sæpius pilularum aperientium dosi adhibita omnino tollitur.

*Formicationes artuum* ab eadem circulationis sanguinis, in poris musculorum, inæqualitate proueniunt, ab obstructione scilicet minutissimorum vasorum, & transpiratione humorum acrim in ambitum corporis delatorum prohibita, vnde necessario partes sensibiliter & quidem dolore satis insigni afficiuntur.

*Tussis* etiam a solo aere crasso nebuloso & frigido producit. Et in quantum variis effluuiis peregrinis imprægnatus est, in tantum corpus nostrum ad varia mala disponitur. Hinc facile in aspera arteria & pulmonibus copiosissimæ glandulæ obstruuntur, quo fit, vt constrictio, irritatio & postea tussis excitetur. Neutiquam vero h. l. excludimus ventriculum, vnde tussis stomachica obseruatur, quæ sæpissime in praxi, & quidem falso pro phthisi ab empiricis venditur. Hæc frequentissime etiam in metallurgis apparet, quod & *Doleus* præ cæteris in *Encycl. med. dogm. lib. II. de morb. Thor. cap. de Tussi* obseruauit, dum ita inquit: Hisce præmissis triplicem statuimus tussim, humidam nempe, conuulsiuam, siue siccam, & *stomachicam*. Vbi tussis noctu affligit, & simul febricula nocturna adest, denotat tussim pectoralem, non stomachicam. Vbi vero tussis ex



ventriculo, tunc furibunda est tussis, in qua vix aliquid egeritur, licet summo cum conatu tussierint ægri. Causamque addit; irritatio est causa immediata tussis stomachalis. Hæc fit a lymphâ acri vel in ventriculo generata, vel ex glandulis exstillata. Eiusmodi exemplum vidimus in matrona quadam nobili, sed vidua, quæ istac tussi valde laborabat, quæ sæpe per tres vel quatuor horas continue tussiebat, donec accedente vomitu, pura materia acida aluminose sapore prædita, eiiciebatur.

*Sitis* non potest non concomitari, ob humidi laudabilis defectum, quo accedunt salia vitriolica, ventriculi fibras continuo fere titillantia, tussimque excitantia. Nihil hic dicemus de frequentissimo sudore & ignis æstu, quibus metallurgi nostri, laboribus semper intenti, exponuntur, vbi in sano quidem statu, dum eo gaudent, humidum laudabile paulatim consumitur, relicto tandem in massa sanguinea caractere salso; quid non fiat in morbofo, accedente alui obstructione, vbi certe non parua humidi quantitas, ad partium irrigationem alias destinata, a calore interno consumitur. Calor enim humidum absorbet, & diffilat, quod & illi satis superque experiuntur, qui ardentissimis solis radiis corpus exponere debent, iuxta illud: ardens dum firius vrget agros, exhaurit humidum, crebris sudoribus. Tacemus concionatores, qui sola citatiori loquela sitim sæpe patiuntur non parua. Quæ ex re & hoc loco maxima viscerum harmonia & consensus elucescit.

*Vomitus* comes obstructionis explicatu non erit difficilis. Biliofi enim acidi humores, in ventriculo & intestinis copiose hospitantes, facile irritatione sua spasmodica & elastica motum peristalticum inuertere possunt, ita vt ex culina cloaca fiat; copiosissime enim in his subiectis, ratione qualitatis & quantitatis, acidum austerum peccat.



*Vrina nulla* mittebatur, cuius retentio ab obstructione itidem petenda erit; quod si enim humidum in statu sano non abundat, non potest sal acidum & acre, vehiculo deficiente, ad vesicam descendere, calor enim ab obstructione h. l. ortus, humidum depascit. Frequens est illud symptoma metallurgis obstructione laborantibus; reſerata vero aluo, breui poſt vrina naturalem repetit viam atque exitum.

*Conuulſiones tonica* frequentes ſunt metallurgis, cum quibus temporaria paralyſis quarundam partium ſæpiſſime iungitur, præſertim ſi alui ſuppreſſio adest. Et quo maior hæc eſt obſtructio, eo maiores ſunt quoque conuulſiones iſtæ. Acidum enim in ægrotis noſtris, ſumma cum acrimonia lymphæ, peccans facile cum muſculosis & neruoſis partibus communicatur, quod qualitate ſua tragoedias has oculis ſubiicit.

Neque mirandum eſt, contraria ſibi viſa in eodem ſubiecto accidere, conuulſiones ſtabiles & mobiles, vt ita loqui liceat, & conuulſiones, & motus conuulſiuos, ipſamque paralyſin, ſucceſſiue puta, non ſimul ac ſemel æque. Et quidem in conuulſione tonica humor & vapor cum acido peregrino, fixo aſteroque magis, & quidem continuo irritat, intactis tamen poris cerebriſubſtantia, vnde ſenſibus integris tenſionem illam ſatis percipiunt.

Varia exempla & obſeruaciones practicæ tum Beati Aui, tum Reuerendi Dn. Noſtri Parentis, quem Deus multos annos coſpiter, itemque noſtra ſtudia metallurgis iam fideliter præſtita id probare poſſunt. Vidimus enim ante menſem circiter idem ſymptoma in metallurgo, cui nomen eſt Stephan Vhr, qui contumaciſſima alui obſtructione per tredecim dies vexabatur. In quo ſane ſubiecto, a ſexto uſque ad decimum tertium diem, omnes ferme conuulſionum ſpecies



cies maxima cum admiratione contemplati sumus. Inprimis vero ἐμπεδοκρότος illum exercebat, antrorsum quippe incuruabatur, capite ad genua vsque accedente, sed spasmi hi per continuationem medicamentorum aperientium liquidorum aegroto porrectorum, reſerata aluo penitus ſolvebantur. Quod & alii practici in pueris & adultis alui obſturbationibus laborantibus obſeruarunt. Vid. *Lomm. obſeru. p. m. 96.*

*Insultus etiam epileptici* in tanta copia humorum heterogeneorum facillime excitantur. Qualitate enim ſua peccantes, v. gr. acidi, acres, morſicantes acrimoniam ſuam lymphæ inſinuant, vnde pro copia & qualitate elatiſtica, irritando, modo breuioreſ, modo longioreſ excitant motus ſeu inſultus epilepticos. Et hi hoc loco inter ſymptomata merito recensentur, quatenus in hiſce perſonis, aluo debito modo reſerata, quieſcunt, primæ enim medicis ſic dictæ viæ hiſce humoribus conſpurcatæ & impletæ ſymptoma hoc producant, quod multi doctiſſimi medici nobiſcum obſeruarunt. Vid. *patbol. med. dogm. Wedeliana, p. 629.* vbi hæc habentur: ſic ſæpe acidi humores in ventriculo collecti epilepſiam cient, quod infantibus pariter ac adultioribus ſæpiſſime accidit.

Symptomata excipit CVRATIO, vt iuſtum ordinem teneamus. Hæc vero ex tribus fontibus, videlicet chirurgico, pharmaceutico & diætetico, iuxta conſuetam receptamque methodum, auxilia medica expromit. Mittimus iam lubenti animo aliorum non contemnendorum medicorum præſcriptas formulas, modumque curandi, ne diſſertatio noſtra ultra fas & debitum excrescat. Nobis nunc poſtiſſimum curæ eſt, vt aperte & ingenuè fateamur, quam nos medendi inſiſtimus viam, ſimulque medicamenta com-



memoremus, quibus adhibitis & hic noster ægrotus, & alii complures metallurgorum misere decumbentium, sanitatem amissam recuperarunt. Et hinc sane medicus, præcipue Dogmaticus, si indiuiduorum varietatem intueatur, felicem atque optatum, fortunante Deo, morbi euentum potis est sperare. Verumenimvero istæ curandi ratio, qua utimur, tam ex nostra, quam B. Aui & reuer. Dn. patris, sententia, in hisce maxime consistit, ut alui intestinorumque constipationes & obstructiones soluamus, dolores prorsus intolerabiles mitigemus, & viscera roboremus.

Hoc enim facto, causa remouetur, & reliqua symptomata cuncta recedunt, cessantque. Quod si igitur, dum morbus suum capit primordium, de materia saturnina, in ventriculo nouiter collecta, certi sumus, & non aliud contraindicans adsit: (e. gr. hernia, qua ob pondera maiora eleuanda immane quantum cruciantur, accedentibus maioribus vnirotis vehiculis grauissimis; Germ. die grofsen Schieb-Karren) aliaque signa vomitum lenem suadent, v. gr. si adsit inclinatio ad vomitum, cum nausea & inappetentia ciborum, si dolor ventriculi obtusus animaduertitur, ad aperientia cum emeticis in minori dosi mixtis commode itur, vnde sæpissime purum lithargyrium eiectum oculis nostris conspeximus. Suasit hinc iamdudum vomitum Dioscorides l. c.

Rx. pulu. mechoac. nigr. crem. ℥i a ʒj.

resin. scammon. gr. iij. tart. emet. Myns. gr. ij. M. f. l. a.

Puluis, D. in Charta.

Rx. rad. ipecac. ʒ℔. serpent. Virgin.

cinnab. nat. a. gr. v.

ol. anis. gutt. j.

M. F. l. a. pulu. D. v. f.

Rx. decoct.



DE COLICA SATURNINA LABORANTE.

23

Rx. decoct. aper. lenientis Nostr. ℥ij. D. in fict.

Rx. spec. pro clyst. vsual. ℥ss. mechoac. alb. ʒij.  
fol. senn. elect. fibr. belleb. n. a. ʒi℥.

coq. in s. q. ▽ font. Colat. Rx. ℥ij.

℞ rapar. lini, chamomil. a. ʒss.

elect. lenitiu. e suc. ros. ana ʒiij.

vitel. ouor. No. iij. ⊖ comm. ʒj. M. F. l. a. Clyster;

applicetur dimidia pars, altera seruetur pro vsu.

Rx. spec. pro decoct. pector. pro metallurgis ʒiij.

prun. dulc. exc. ʒij. senn. s. s. ʒiij.

sem. cumin. ʒij. latbyrid. minoris ʒj.

Coq. in s. quant. ▽ com. Col. Rx. ℥i℥.

elect. e succ. rosar. sirup. de cichor. cum rhab. a. ʒss.

mann. in gran. ʒij. ▽ cinam. s. v. ʒi℥. M. D. in fictili.

Rx. herb. malua, althaa, artemis.

salvia, serpil. citr. mercurial.

fl. chamomil. a. m. ij. sumbuc. m. j.

sem. lini, foeni gra. a. ʒiij.

rad. bryonis, althaa a. ʒij. Concis. contus. gr. m.

D. in Charta. S. Species zum Bade /

addito fasciculo vno vel pluribus straminis auenacei, pro in-  
fessu, & fotu, imprimis supra vmbilicum.

Rx. vng. dialthaa, pector. a. ʒij. pingu. anser. ʒij.

℞ chamom. coct. ʒj. pini ʒss. anetb. ʒj.

anis. foenic. a. gt. vj.

M. F. l. a. vngu. a balneo calide, & alias illinendum.

Magni quoque vsus est Cataplasma sequens B. Aui.

Rx. berbar. v. emoll. a. m. j.

fl. melilot. chamomil, malua arbor.

ver-



*verbasc. lil. alb. papau. rh. a. pij.*

*ficuum pinguium no. XV. Coq. in ▽ font. suff. qu. deinde contundantur & cribrentur, postea adde*

*farin. lini, fœni Græc. a. ʒij. rad. alb. ʒß.*

*sem. anis. caru. bacc. laur. a. ʒj. empl. de melilot. ʒj.*

*ol. chamæmeli, lil. alb. laur. ana q. s. F. l. a. molle cataplasma, quod toti ventri imponi debet.*

*Rx. elect. e succ. ros. cathol. rob. rib. purg. ana ʒj.*

*sirup. ros. sol. de cichor. c. rhab. ʒij.*

*ol. anis. gt. ij. M.*

*Rx. suppos. mai. No. ij. illin. ☉ oliuar.*

*D. in Chart. incer.*

*Rx. elix. asthmatici nostri ʒij.*

*ess. absinth. comp. carmin. castor. a. ʒß.*

*☉ \*ci succin. ʒij. ol. anis. gt. ij. M.*

*mane & vespere ad gtt. L. LX. sumendo.*

*Rx. decoct. alb. rec. bord. c. CC. a. ℥j.*

*▽ flor. til. ʒij.*

*paralys. fœnic. ceras. nigr. a. ʒj. cinnam. s. v. ʒß.*

*lap. ☉. ʒj. conchar. contus. ʒß.*

*matr. perlar. ʒij. antim. diaphor. ʒj.*

*☉ antimon. gr. xvij.*

*sirup. dialthæe, rub. idæi ana ʒj. M. D. in fict.*

Seorsim etiam pulveres hi, addita *crystallo* præparata, in forma sicca præscribi possunt, ipsa vero humectantia, ut & emollientia, dulcia, pulposa, oleosa, longe sunt optima.

*Rx. MP. mirabil. Stockbusii, de gum. Conerd. a. ʒi.*

*merc. dulc. refin. scammon. a. gr. vi.*



*ol. fœnic.* gr. ii. *M. F. c.* elix. propr. l. a. pil. No. XXXXII. D. num. XIII. vesperi.

*R. pul. stomach.* Macbold. ʒiij. *gialap.* ʒj.  
*cryst. ʒi, rhabarbar.* ana ʒj. *elaos. anis.* ʒj.  
 Θ *absinth. card. bened.* ana gr. xvij.  
*ol. mac.*

*fœnic.* a. gr. j. *M. D. in scat.*

*R. sir. dialtb. farfar.* ana ʒij. *mell. despum.* ʒj.  
*ol. amygd. dulc. rec.* ʒij. *anis. gtt.* vj.  
*M. D. cum bacil. glycyrrh.* No. j. S. Brustsafft.

*R. essent. pectoral.* N. O. ʒiij.  
*cardamom.*

*myrrba balsam. zedoar. a.* ʒj. *Ra ʒii ʒis.* ʒij.

Θ *is \*c. anis.* ʒij.

*ol. cumin.* gr. j. *M. S. Brust-und Magen-Mixtur.*

Hiscæ medicamentis (non quidem methodo classica, sed clinica, pro modulo indicantium, recensitis,) circumspicte debitoque loco ac tempore vsurpatis, auxiliante Deo, maximo isto mortalium Archiatro, metallurgus noster in historia præcedente oblatus, & multi alii, mutatis mutandis, in integrum restituti sunt.

Morbo curato sedatoque, vti sane chronicus est, nisi mature succurratur, & facile recidiuat, vterius ad DIÆTAM progredimur, vt decens regimen in victu rerum non naturalium præscribatur; nam alias frustra sæpe medicamenta applicantur, si cibi & alimenta incongrua ingurgitantur. Hic tamen vix licet verbosam metallurgis præscribere Diætā; solet enim plerumque hisce hominibus res esse angusta domi, ita vt paupertate pressi Diætā bene obseruare



vix queant. Dicemus autem illud, quod instituti ratio exposcit, & ad rem nobis propositam pertinet,

AER itaque facta curatione, quantum fieri potest, serenus ac purus sit, nec saturninis exhalationibus infectus; inprimis eligantur loca quæ ventis patent, & quæ venti perflant.

Inter CIBOS profunt iuscula temperate calida, aromatis condita, auenacea, ptisana ipsa cum passulis Corinthiacis, hordei, ex oryza item, & gramine mannæ, gelatinæ omnes. Neque minus olea temperata adhibeantur, v. gr. o. amygd. dulc. vel lini recens, item manna Calabrina, pruna dulcia &c. poma Borsdorffiana etiam mane comesta. Quo etiam iuxta effatum B. Aui spectat nostrum lardum, siue crudum, siue coctum, ieiuno ventriculo comestum. Satis quoque cum consilio a pauperibus in ientaculum sumitur butyrum pani illitum, ut & cereuisia Goslariensis calidior, cui frustulum lardi & pugillum seminis carui prius contusi addunt, additumque deglutiunt, quod quidem magnopere commendant, multumque ad præseruationem facere vno ore fatentur.

Ad POTVM vero quod attinet, inprimis cereuisia nostra Goslariensis, ex puro tritico cocta, hic laudem inuenit maximam, quæ sane metallurgis nostris ob copiosissimum nutrimentum, & particulas gelatinosas, singulare vitæ præsidium esse solet.

Præterea MOTVS quoque mediocris plus proderit, quam quies, qui tali affectu morboque metallico laborarunt. Quies enim & vita sedentaria, ut dicitur, obstructiones pariunt, & augent. SOMNVS pari modo sit moderatus, cui tantum temporis tribuendum est, quantum virium refectioni



ni sufficit. Neque VIGILIIS ultra modum indulgendum, corpus enim eneruant, illique maxime nocent.

Prospiciendum quoque est, vt ALVVS quotidie suum faciat officium, siue sponte naturæ, siue arte procuretur. Ceterum ANIMI PATHEMATATA grauiora omni studio euitentur; vt ira, terror, metus, tristitia, mœror. Animi enim quies & tranquillitas quantum auxilii præstet ægrotantibus in curandis morbis, satis in propatulo est.

Sed ante, quam coronidem imponamus Dissertationi nostræ, præ cunctis aliis sequentia bene monenda esse putamus: vt (1.) *opiatorum* vsus in nostro affectu diligentissime vitetur, quocunque etiam nomine venditentur, splendidoque tegantur pallio. Et licet in refracta & minima dosi medicamentis misceantur, nunquam tamen res prospere ac feliciter in metallurgis hoc pacta ægrotantibus cessit, siue liquida, siue solida id forma fiat.

Tum quoque (2.) plane pleneque abominandus est spiritus ille frumenti, rusticis nostris ieiuno inprimis ventriculo alias familiarissimus, qui merito hisce subiectis saturnina tractantibus, & laboribus addictis metallurgicis, spiritus mortis audit. Nam ex observationibus B. Aui nostri, Reu. Dn. Parentis ac nostris innotuit, quod metallurgus aut metallicida nunquam sanus aut diu vixerit, qui spiritum hunc frequenter in vsum vocauit: siquidem metallurgi ab eius potu obstructionibus vexantur, & metallicidæ asthmatis periculo exponuntur.

Spiritus enim ieiuno ventriculo haustus, quatenus multo phlegmate imprægnatus est, vappa sua feculenta grauatur, sulphure vero fermentum ventriculi obtundit, spiritus ligat, appetitum tollit, visceribus, pulmone, hepati & massæ sanguinæ intemperiem calidam infert, bilem acuit,



28 DISSERT. INAVG. MED. DE COLICA SATVRN. LABOR.  
lympham imminuit & acriorem reddit, ad phthisin, hydro-  
pem, febres, inflammationes disponit, minimum tonum  
ventriculi destruit, & postea tussim stomachicam siccam im-  
medicabilem relinquere solet, quod quotidiana expe-  
rientia edocti, silentio præterire nefas esse  
existimauimus.

*SOLI DEO GLORIA!*

---

NOBILISSIMO DOCTISSIMO EXPERIENTISSIMOQUE  
V I R O  
PHILIPPO WERNERO  
STOCKHVSIO,

SVMMOS IN ARTE MEDICA HONORES,  
MORE MAIORVM, SVSCIPIENTI,

*S. P. D.*

IO. MICHAEL HEINECCIUS,

*S. S. THEOL. D.*

POTENTISS. BORVSSOR. REGI A CONSILIIS ECCLESIASTI-  
CIS, INSPECTOR ECCLESiarVM HALENSIVM ET DIOECE-  
SEOS SALANÆ PASTOR PRIMAR. ET GYMNASII  
SCHOLARCHA.



*Vanta solet esse agricola-  
rum voluptas, quum a-  
gellos non sine sudore suo  
cul-*



*cultos in lætissimam efflorescere segetem animadvertunt, messemq; post tot labores prospiciunt uberrimam: tanta animi lætitia ego nunc honorem, quo TE illustris Salana ornat, adspicio, NOBILISSIME STOCKHUSI, eumque TIBI non magis, quam mihi, vehementer letiam atque etiam gratulor. Nam recolenti antea actæ vitæ seriem, non ingrata mihi illius temporis subit recordatio, quo TV unaque frater optimus domum meam venire, meaque institutione in politioribus litteris uti solebatis. Quo tempore, quid de ingenio Tuo auguratus sim, quid parenti, quid patriæ de TE promiserim, nondum credo plane demeministi. Tam alacriter enim elegantiorum artium studia decurrebas, ut non dubitarem, quin es-*



ses talis aliquando futurus, qualem  
 ego tum cognitum iudicaueram. Ex  
 eo tempore non me tantum alio voca-  
 bat diuini Numinis arbitrium, sed &  
 TV ea eras ætate, ut studia illa,  
 quibus a puero eras innutritus, in aca-  
 demiis magis magisque perpolienda  
 viderentur. Discessimus igitur, ego  
 Halam, Tu lenam, cuius almæ ma-  
 tris ac nutricis meæ nunquam sine  
 grata tot beneficiorum memoria recor-  
 dor. Et quamuis procul a TE ab-  
 essem, nunquam tamen, quam semel  
 de TE conceperam, spem abieci, nec  
 dubitavi fore, ut patria in TE Me-  
 dicum haberet doctissimum. Quod  
 augurium de TE meum exitu nunc  
 comprobante utrique nostrum gratu-  
 lor, TIBI, cui tribuuntur ea, quæ  
 optimo cuique præclara semper visa  
 sunt



*Sunt; mihi, cui curæ & labor in TE  
 erudiendo tam feliciter cesserunt.  
 Pauci circumacti sunt anni, quum  
 fama percrebesceret VIRVM NO-  
 BILISS. IO. FRIDEMAN-  
 NVM SLEVOGTIVM, IO-  
 ANNIS HADRIANI filium  
 in Academia patria Doctoris orna-  
 mentis fuisse condecoratum. Qui  
 rumor non poterat mihi, qui pueri  
 studiis præfueram, non esse multo iu-  
 cundissimus. Nunc TV alter es  
 discipulorum meorum, quem ad sum-  
 mos istos in arte medica honores ad-  
 spirasse video. At TIBI eo ma-  
 gis applaudo, quod lætitiā ex alte-  
 rius honore perceptam mihi veluti in  
 animum videris reuocare. Maſte  
 igitur hac virtute, mi STOCK-  
 HVSII,*



HVSI, *maſte hoc ad ſtudia impe-*  
*tu, & impoſterum quoque talem*  
*TE præſta, vt optimis parentibus*  
*ipſique patriæ præſidio ſis pariter ac*  
*ornamento. Vale & DOMVM*  
*SLEVOGTIANAM, quæ mi-*  
*hi multis abhinc annis gratiſſimum*  
*præbuit hoſpicium, nec non Præce-*  
*ptores optime de me meritos meo no-*  
*mine plurimum ſaluta. Halæ Magde-*  
*burgicæ Menſe Octobr. clb lcccXII.*

---



Ulrea Saturni cum ſecula metallicus optat,  
 Saturnina malum colica triſte premit.  
 Hæc queis eſt mediis, qua compeſcenda medendi  
 Arte, Patrisque Tui more fideque doces.  
 Hinc eris auxilium, cui juſtos ſoluet honores,  
 Pro ſaturninis aurea dona dabit.

*Ita Praclariffimo ac Doctiſſimo Domino*  
*Doctorando Fautori ſuo honoratiſſimo*  
*acclamat*

N. CHILIANI, M. C.

